

կարող են գործ զնուիլ մի այլ նպատակայարմար ազգօգուտ հիմնարկութեան վրա ի յիշատակ մեր հանգուցեալ եղբօր և հօր Թադէոս Ա. քահանայի:

„Վերոյ բացատրեալ հիմնական կէտերը յայտնելով Ձեր Գերապատուութեանն՝ ամենախոնարհաբար խնդրումենք բարեհաճել շուտափոյթ կարգադրութիւն անել այս մեր խնդիրը հանդերձ նորաբանալի Բուզազեան վանական դպրոցի կանոնադրութեամբ և ծրագրով առաջարկել ի հաստատութիւն Վեհափառ Կաթողիկոսի ամենայն Հայոց, որպէս զի այս առաջիկայ ուսումնական տարուայ սկիզբիցը ձեռնարկուի նոյն դպրոցի բացմանը:

„Մովսէս Բուզազեանց, Եզիայ Գ. Բուզազեանց, Ենվք Գալստեան Բուզազեանց, Սմբատ Բուզազեանց և Երուանդ Բուզազեանց.

ի 25 յունվարի 1888 ամի

ի Ք. Բագու»:

Խոստմնազրի ստացման մասին ասրահովացրի Բութազեան եղբարց զրութեամբս յ30 յունվարի հմ. 40, որ ըստ այսմ:

„Մեծապատիւ ազգասէր պարոնաք եղբարք Բուզազեանք պ. պ. Մովսէս, Եզիա, Ենվք, Սմբատ, և Երուանդ:

Հմ. 10 յ30 յունվ. 1888 ի Ք. Ըամախի

„Բերկրութեամբ հոգւոյ և կատարեալ բաւականութեամբ սրտի ստացայ Ձեր ազգասիրութեան պատրաստած և ուղարկած օրինաւոր խոստումները -ի 25 ամսոյս գրած- և կարգալով զայն ամենայն ուշադրութեամբ հաւան դտայ կանոնադրութեան համար Ձեր կողմից աւելացրած յօդուածոց բովանդակութիւնը, ուստի և կարելին փութով պատրաստելով կանոնադրութեան և ուսման ծրագիրն՝ նոյն իսկ Ձեր խոստմնազրոյ հետ յայտարարութեամբս կ'ուղարկեմ ի հաստատութիւն Վեհ. Կաթողիկոսի ազգիս, որպէս զի՝ յառաջիկայ ուսումնական տարեգլխից (սեպտ. 1888,) սկսինք բանալ գպրոցը և շարունակել ուսումն: